

ԿՐԹԱԿԱՆ

ԳԻՐԳԻ ԱՄԻԼԱԽՎԱՐԻ. «ՈՒՍՈՒՅԻՉՆԵՐԻ ԱՆԽԱՏԱՎԱՐՁԸ 2024 ԹՎԱԿԱՆԻ ՀՈՒԼԻՍԻ 1-ԻՑ ԿԱՎԵԼԱՆԱ ՄԻՋԻՆԸ 500 ԱՐԻՈՎ»



Վրաստանի կրթության եւ գիտության նախարար Գիորգի Ամիլխավարին, անդրադառնալով 2024 թվականի սեպտեմբերից ուսուցիչների աշխատավարձի ավելացման վերաբերյալ ապատեղեկատվական արշավի թեմային, հայտարարեց, որ տարածված տեղեկատվությունը չի համապատասխանում իրականությանը եւ, որ 2024 թվականի հուլիսի 1-ից ուժի մեջ կմտնի աշխատավարձի նոր բանաձեւը, որը ենթադրում է ուսուցիչների աշխատավարձի «անմախքայն» բարձրացում. լրիվ դրույքով ուսուցիչների աշխատավարձը կավելանա միջինը 500 եւ ավելի լարիով:

Նախարարի պարզաբանմամբ, ներկայումս աշխատանք է տարվում աշխատավարձի նոր քաղաքականության հաստատման ուղղությամբ, որն ուժի մեջ կմտնի 2024 թվականի հուլիսի 1-ից, եւ դրա շրջանակներում, վերջին տարիներին տեղի կունենան «ուսուցիչների աշխատավարձի անմախքայն» բարձրացումը:

Նախարարի խոսքով, աշխատավարձի նոր քաղաքականության համաձայն, լրիվ դրույքով ուսուցիչների աշխատավարձը կավելանա միջինը 500 եւ ավելի լարիով. սա մեկ տարվա ընթացքում միջին աշխատավարձի 35 տոկոս աճ է:



ՍԱՀՄԱՆՎԵԼ ԵՆ ԳՊՐՈՅԱԿԱՆ ՍՆԵԴԻ ՕԲՅԵԿՏՆԵՐԻՆ ՆԵՐԿԱՅԱՅՎՈՂ ՀԱՄԱՊԱՏԱՍԽԱՆ ՊԱՀԱՆՋՆԵՐԸ

Վրաստանի կրթության ու գիտության նախարարության նախաձեռնությամբ, ոլորտային նախարարությունների, շահագրգիռ կազմակերպությունների ու ծնողների ակտիվ ներգրավվածությամբ, հաստատվել են

«Հանրակրթական հաստատություններում սննդի օբյեկտի գործունեության համար սահմանված նվազագույն պահանջները»:

Փաստաթուղթը նախատեսում է դպրոցական սննդի օբյեկտի գործունեության համար առողջ սննդի հմտությունների վերաբերյալ առաջարկություններ՝ արգելված պատրաստի սննդամթերք ու բաղադրիչներ, դպրոցի սննդի օբյեկտի աշխատողների անձնական հիգիենայի պահանջներ եւ այլն:

Համապատասխան պետական մարմիններից բացի, դպրոցական սննդի օբյեկտում ամեն օր կվերահսկվի դպրոցի մշտադիտարկման (մոնիթորինգի) խմբի կողմից, որը կազմված կլինի բազային եւ/կամ միջնակարգ աստիճանի աշակերտներից, դպրոցի աշակերտների ծնողներից, ուսուցիչներից (ցանկալի է՝ կենսաբանության), դպրոցի բժիշկ/բուժքույրից եւ

դպրոցի տնօրինության ներկայացուցիչներից:

Կրթօջախն իրավասու է մշտադիտարկման խմբում ընդգրկել նաեւ մոնիցիգալիտետին (տեղական ինքնակառավարման մարմին) կից Հանրային առողջապահության շրջանային կենտրոնի եւ մոնիցիգալիտետի քաղաքապետարանի Առողջապահության եւ սոցիալական ծառայությունների ներկայացուցիչներին:

Հանրակրթական հաստատություններում սննդի օբյեկտի գործունեության համար սահմանված նվազագույն պահանջներին մանրամասն կարող են ծանոթանալ Վրաստանի կրթության ու գիտության նախարարության կայքում՝ www.mes.gov.ge:

4000 ԵՐԻՏԱՍԱՐԴ ՎԵՐԱԿԱՆԳՆԵՑ ՈՒՍԱՆՈՂԻ ԿԱՐԳԱՎԻՃԱԿԸ

Ինչպես արդեն հաղորդել ենք, Վրաստանի վարչապետ Իրակլի Դարիբաշվիլին հանդես եկավ նախաձեռնությամբ, ըստ որի, գրոյացվում էին ուսանողների ուսման վարձի պարտքերը:

Նոյեմբերի 28-ին, Վրաստանի կրթության եւ գիտության նախարար Գիորգի Ամիլխավարին, հանդես գալով երկրի խորհրդարանում, հայտարարեց, որ կնքացիլ տարվա սեպտեմբերից շուրջ 4 000 ուսանող վերականգնել է ուսանողի կարգավիճակը եւ վերադարձել ուսումնական գործընթաց:

Նախարարն անդրադարձավ նաեւ բուհերում ուսանողական պարտքերի մարման եւ այս ծրագրից իրաժարված

մասնավոր բուհերի թեմային՝ նշելով, որ նախարարությունը չի կարող որեւէ մեկին պարտադրել մասնակցել ծրագրին, հատկապես մասնավոր համալսարանին, քանի որ դրա համար իրավական կամ ակադեմիական լծակներ չկան:

Նախարարի խոսքով, ցավոք, երկու մասնավոր բուհեր համարել են, որ չպետք է լրացուցիչ սոցիալական-ֆինանսական արտոնություններ տան իրենց ուսանողներին:

ՀԱՆԴՈՒԹՈՂԱԿԱՆՈՒԹՅԱՆ ԱՄՍԻՆ ՆՎԻՐՎԱԾ ՄԻՋՈՑԱՌՈՒՄ ԹԲԻԼԻՍԻ ՊԵՏԱԿԱՆ ՀԱՄԱԼՍԱՐԱՆՈՒՄ

Նոյեմբերի 28-ին, Իվանե Ջավախիշվիլու անվան Թբիլիսիի պետական համալսարանում անցկացվեց «Բազմազանությունը մեր հարստությունն է» խորագրով հանդուրժողականության ամսին նվիրված միջոցառումը:

Միջոցառման նպատակը վրացի ուսանողներին Վրաստանում ապրող երկու ամենամեծաթիվ ազգային խմբերի ադրբեջանցիների եւ հայերի մշակութային ու ավանդույթներին ծանոթացնելն եւ դրանք վրացական էթնոփոքրի հետ միասին ներկայացնելն էր, նաեւ տեսնելն ու հասկանալը վրացական, հայկական եւ ադրբեջանական մշակութային փոխադարձ ազդեցությունն ու պահպանված ինքնությունը Վրաստանում միասին ապրելու ընթացքում:

«Վրացահայերի միություն» հասարա-

կ ա կ ա ն կազմակերպության (դեկավար՝ Մարի Առաքելովա) կազմակերպած միջոցառումն անցկացվեց ԱՄՆ Միջազգային զարգացման գործակալության USAID-ի («Միասնությունը բազմազանության մեջ») ծրագրի շրջանակներում, որն իրականացնում է Վրաստանի Միավորված ազգերի կազմակերպության ասոցիացիան ԱՄՆ Միջազգային զարգացման գործակալության ֆինանսական աջակցությամբ:

«ԱԼԻՔ ՄԵԴԻԱ»



ԴՊՐՈՑԱԿԱՆ ՄԻՋՈՑԱՌՈՒՄ

ՈՍԿԵԶՕԾ ԱՇՈՒՆԸ ԲԵՄԱՐԱՐԹԱԿԻՆ

Տոնական ու աշնանային օրվան համահունչ էր զարդարված մայրաքաղաքի թիվ 103 դպրոցի դահլիճը:



Ոսկեզօծ աշունն ասես փողոցից տեղափոխվել էր բեմահարթակ ու շուրջըլուրդ պատել տարբեր ծառատեսակների տերեւներով, իսկ սեղանի վրա շարված զամբյուղները լի էին տարվա այս եղանակի բարիքներով՝ տանձ, խնձոր, արքայանարինջ, դդում... Գողտրիկ երաժշտության ներքո բեմում տեղ են գրադեցնում կրթօջախի հայկական մասնաճյուղի 1-4-րդ դասարանների սաները: Նրանցից յուրաքանչյուրը եւս թագի տեսքով կրում էր որեւէ մրգի խորհրդանիշ պատկերը: Հանդիսությունը մեկնարկեց հայերեն, վրացերեն խոսք ու երգով: Երեխաները ցուցադրեցին իրենց գիտելիքները գունազարդ աշնան մասին: Հատկապես ազդեցիկ էր առաջին դասարանցիների հաջողված ելույթը: Աշնան գովքն ավարտվեց գեղեցիկ տեսարանով. դյուբիշ երաժշտության ներքո գունազեղ զգեստով պնդված ներս մտավ աշունը՝ ջերմ տրամադ-

րություն փոխանցելով ներկաներին: Եվ հաջորդած գեղեցիկ պարային կատարումով (պարուսույց՝ Անգելինա Նազարյան-Քոչյան) եզրափակվեց հանդիսությունը:

Հարկ է նշել, որ տարրական դասարանների դասվարներ Մարիամ Կարապետյանը (I դասարան), Ինգա Պոլոյանը (II դասարան), Լուիզա Մուրադյանը (III դասարան), Գայանե Պետրոսյանը (IV դասարան) ծնողների հետ միասին ջանք չէին խնայել, որպեսզի միջոցառումը տպավորիչ ու ամոռնաց լիներ թե՛ մասնակիցների, թե՛ ներկաների համար: Այդ աշխատանքը գնահատեցին ու ստացված տպավորություններով կիսվեցին ուսմասվար Հասմիկ Պապիկյանը, Վրաստանի ԿԳ նախարարության աշխատակցուհի Կարինե Մանուկյանը, վրացական բաժնի ուսմասվար Նանա Շենգելիձեն:

ԿԱՐԻՆԵ ՄԱՆՈՒԿՅԱՆ

«Վրաստան» թերթի աշխատակազմն իր խոր վշտակցությունն է հայտնում «Վրաստան» թերթի գլխավոր խմբագիր Վան Բայբուրթյանին, Իրինա եւ Գրիգոր Բայբուրթյաններին, որդու, եղբոր՝

Իզոր Վանի ԲԱՅԲՈՒՐԹՅԱՆԻ

վաղաժամ մահվան կապակցությամբ եւ ցավակցում հանգուցյալի հարազատներին ու մերձավորներին:



Վրաստանի ժուռնալիստների ստեղծագործական միությունը, «Սաքարթվելոս ռեսպուբլիկա», «Ասավալ-Դասավալի», «Վեչերնի Տբիլիսի», «Գուրջիստան» թերթերի խմբագրությունները խոր կսկիծով ցավակցում են Վրաստանի վաստակավոր լրագրող, Վրաստանի ժուռնալիստների ստեղծագործական միության վարչության անդամ, «Վրաստան» թերթի գլխավոր խմբագիր, Թբիլիսիի պատվավոր քաղաքացի, քաղաքական-հասարակական գործիչ Վան Բայբուրթյանին, որդու՝

Իզոր Վանի ԲԱՅԲՈՒՐԹՅԱՆԻ

անժամանակ մահվան կապակցությամբ եւ այս մեծ կորստի ու ողբերգության պահին սատար կանգնում իրենց մտերիմ ընկերոջ կողքին՝ մաղթելով մխիթարանք, տոկունություն եւ համբերություն:

ՃԱՎԱԿՅՈՒՄ ԵՆ ...

Իզոր Բայբուրթյանի վաղաժամ մահվան կապակցությամբ «Վրաստան» թերթի գլխավոր խմբագիր Վան Բայբուրթյանին իրենց ցավակցությունն են հայտնել Վրաստանի փոխվարչապետ, մշակույթի, սպորտի, երիտասարդության հարցերի նախարար Թեա Շուկուկիանին, Վրաստանի հաշտեցման եւ քաղաքացիական իրավահավասարության պետական նախարար Թեա Ավալդեղիանին, Վրաստանի խորհրդարանի պատգամավորներ Սոզար Սուբարին, Կախա Կախիաշվիլին, Գոչա Ենուքիձեն, Գոգի Միշվելիանին, Սամվել Մանուկյանը, Սմբատ Կյուրեղյանը, Անտոն Օբոլաձեն, Վրաստանում Հայաստանի արտակարգ եւ լիազոր դեսպան Աշոտ Սմբատյանը, Վիրահայոց թեմի առաջնորդ Տեր Կիրակոս Եպիսկոպոս Դավթյանը, Համահայկական խաղերի համաշխարհային կոմիտեի նախագահ Իշխան Ջաքարյանը, Թբիլիսիի Պետրոս Ադամյանի անվան պետական թատրոնի գեղարվեստական ղեկավար Արմեն Բայանդուրյանը, Վրաստանի ռազմական պատմության ընկերության անդամները, «Ալիք Մեդիա» գործակալության, «Հայարտուն», «Հովհաննես Թումանյանի տուն» կենտրոնների աշխատակիցները, Թբիլիսիի թիվ, թիվ 103, 104, Նիմոնիմդայի մունիցիպալիտետի Փոքր Արագյալ գյուղի հանրային դպրոցների մանկավարժական կոլեկտիվները, այլք:

ՀԱՐՑ - ՊԱՏԱՍԽԱՆ

ԱՅԼԱԶԱՆ

ԽՈՐՀՈՒՐԴՆԵՐ

ՀՈԳԵՔԱՆՈՒԹՅՈՒՆ

ԼԱՎ ՀԻՇՈՂՈՒԹՅՈՒՆՆԵՐԸ՝ ԱՌՈՂՋՈՒԹՅԱՆ ԴՐԱԿԱՆ ԱԶԴԱԿ



Որքան մարդը մեծանում է, այնքան հաճախակի է հիշում մանկությունը: Նրան թվում է, որ դա իր կյանքի ամենաերջանիկ ու անհոգ ժամանակաշրջանն է: Ս.Կ. Թբիլիսի

Ժամանակաշրջան, երբ կարելի էր բոլոր վազվզել, «լարոցի» ու «բռնոցի» խաղալ, ճոճվել ճոճանակի վրա, ուտել պաղպաղակ, ապրել ստվարաթղթե տնակում, անել ինչ սիրտդ ուզի, ուշադրություն չդարձնել քերծված ծնկներին, խանձված քթին, կեղտոտ ձեռքերին, ծակ գուլպաներին: Որքան ժամանակ է անցել այդ անհոգ օրերից:

Լավ հիշողությունները դրական ազդեցություն ունեն մար-

դու առողջության վրա: Երբ որբել բան չի ստացվում, ինչ-ինչ խնդիրներ են առաջանում, կարելի է ժամանակավորապես կտրվել առօրյայից, հիշել մանկության անհոգ օրերը: Դա ե՛լ առողջարար է, ե՛լ լիցքաթափող, ե՛լ վստահություն պարգեւող: Լավ հիշողությունները ենթադրաբար աղբյուր են, որից պետք է օգտվել: Իսկ եթե դրանք նաեւ ժպիտ են պարգեւում, չկա ավելի հրաշալի դեղամիջոց:

ԱՌՈՂՋԱՊԱՀՈՒԹՅՈՒՆ

ԿԱՐԵԼԻ Ե ԿԻՍԵԼ ՄԻԱՅՆ ԱՅՆ ԴԵՂԱՅԱԲԸ, ՈՐԻ ՎՐԱ ԿԱ ԳԾԻԿ

Օրվա ընթացքում բժշկի նշանակմամբ, հինգ-վեց դեղահաբ են ընդունում: Կան փոքր դեղահաբեր, կան նաեւ մեծ, որոնք դժվարությամբ են կուլ գնում: Կարելի՞ է արդյոք դեղահաբերն օգտագործելուց առաջ կիսել:

Գ. ՍԱՐԳՍՅԱՆ
Մառնեուլի



Կիսել կարելի է այն դեղահաբերը, որոնց վրա կա գծիկ, կտրելու տեղ՝ ճիշտ չափաքանակը պահելու համար: Իսկ եթե դեղահաբերը թաղանթի մեջ են, դրանք կիսել ոչ մի դեպքում չի կարելի: Այդ թաղանթները գեղեցկության համար չեն, այլ պատրաստված են հատուկ նպատակով, այն է՝ որ դեղահաբերը յուրացվեն աղիներում եւ ոչ թե կորչեն ստամոքսում:

Թաղանթը նաեւ կարող է թաքցնել դեղահաբի չափազանց դառն համը: Չի կարելի կիսել նաեւ կապսուլները (պատիճները), քանի որ դրանց մեջ դեղանյութերը գտնվում են միկրոհատիկների ձեւով, եւ այն կիսել ճիշտ հավասար մասերի պարզապես հնարավոր չէ: Եվ ընդհանրապես այդպիսի հարցերը ճիշտ կլինի քննարկել բուժող բժշկի հետ:

ԳԻՏԵ՞Ք, ԱՐԴՅՈ՞Ք...

ԸՆԹԱՅԻՎ ՏԱՐՎԱ ՀՈԿՏԵՄԲԵՐԸ ԴԻՏԱՐԿՈՒՄՆԵՐԻ ԸՆԹԱՅԲՈՒՄ ԱՄԵՆԱՏԱՔՆ ԵՐ

Եվրոպայի կլիմայի փոփոխության Copernicus ծառայության տեղեկագրի տեղեկատվության համաձայն, աշխարհում այս տարվա հոկտեմբերը դարձել է ամենատաքը՝ եղանակի դիտարկումների ամբողջ պատմության ընթացքում: Միջին ջերմաստիճանը կազմել է ըստ Ցելսիուսի 15,3°:



«2023 թվականի հոկտեմբերը դարձել է ամենատաքն աշխարհում դիտարկումների ամբողջ պատմության ընթացքում. մթնոլորտի ստորին շերտերում օդի միջին ջերմաստիճանը կազմել է Ցելսիուսի սանդղակով 15,30°, ինչը 0,85 աստիճանով բարձր է 1991-ից մինչև 2020 թվականն ընկած ժամանակահատվածում՝ հոկտեմբերի միջին ջերմաստիճանից եւ 0,40 աստիճանով բարձր՝ նախորդ՝ 2019 թվականին գրանցված ամենատաք հոկտեմբերից», - ասված է ծառայության կայքում հրապարակված տեղեկագրում:

Օդերեւութաբանները նշում են, որ ամիսն, ընդհանուր առմամբ, 1,7 աստիճանով ավելի

տաք է եղել, քան հոկտեմբերի միջին ջերմաստիճանը նախաարդյունաբերական շրջանում 1850-1900 թվականներին: Ծովի մակերեւույթի ջերմաստիճանը նույնպես հասել է հոկտեմբերի համար ռեկորդային մեծության՝ Ցելսիուսի սանդղակով 20,79 աստիճանի: Ինչպես պարզաբանել է Copernicus ծառայությունը, այս տարվա հունվարից մինչև հոկտեմբեր ընկած ժամանակահատվածում միջին ջերմաստիճանը 0,10 աստիճանով բարձր է եղել 2016 թվականի տասնամյա միջինից, որն առայժմ համարվում է ռեկորդային ամենատաք օրացուցային տարվա դիտարկումների ողջ պատմության ընթացքում:

ԳՏԵՎԵ՞Ց, ԱՐԴՅՈ՞Ք, ՆՈՅԱՆ ՏԱՊԱՆԸ

Անցկացված պեղումները սենսացիոն արդյունքների հանգեցրին

ԱՆՈՍԱԼ ԳՈՏԻ

Բոլորի համար քաջ ծանոթ Արարատ լեռան վրա հայտնաբերվել են ծովային ջրի, կավի հետքեր եւ ծովային օրգանիզմների մնացորդներ: Դրանով իսկ հաստատվում է Աստվածաշնչյան պատմությունը համաշխարհային ջրհեղեղի մասին, որով Աստված ոչնչացրեց մեղքերի մեջ խրված մարդկությանը: Հաստատվեց նաեւ Աստվածաշնչյան պատմությունը տապանի մասին, որը կառուցել էր Նոյն իր ընտանիքի ու կենդանիների հետ միասին փրկվել աղետից:

Ա ս տ վ ա - ծաշնչյան պատմությունը տեղեկացնում է, որ տապանը լողացել է 200 օր, ապա այն հայտնվել է Արարատ լեռան վրա, որտեղ էլ Նոյն սպասել է, մինչեւ սկսվել է նվազել ջրի մակարդակը:

Հայտնագործության մասին հայտնեցին Թուրքիայի երեք համալսարանների գիտնականները, ովքեր պեղումներ էին անցկացնում, այսպես կոչված, Արարատյան անոմալիայի գոտում: Այդ գոտին իրականում շատ նման է վիթխարի նավի ուրվագծին: Այն գտնվում է Արարատ լեռան հարավ-արեւմտյան ստորոտին 4 420 մ բարձրության վրա, մոտավորապես 2 կմ հեռավորության վրա, հորիզոնականով՝ լեռան գագաթից դեպի արեւմուտք:

Տեղեկատվությունն այն մասին, թե կոնկրետ ով է հայտնաբերել Արարատյան անոմալիան, միանշանակ չէ: Թուրքերը հայտարարում են, որ դեռեւս 1959 թվականին այն հայտնաբերել է ամերիկյան փորձագետ-քարտեզագիր, կապիտան Դուրուպինարը: Ամերիկյան կենտրոնական հետազոտական վարչությունը, որը 1995 թվականին հրապարակեց լեռան լուսանկարները, հայտարարեց, որ դրանք արվել են 1949 թվականին՝ ինքնաթիռից: Լեռան գագաթի խորհրդային վայրը բազմիցս լուսանկարվել է Տիեզերքից, ամերիկացիների եւ սիրիացիների կողմից: Սակայն, 2003 թվականին Quick Bird արբանյակից ընդամենը 60 սմ շեղմամբ արված լուսանկարներն անգամ չհանգեցրին որեւէ անվիճելի փաստարկի: Չնայած շատերի համար այն կարծիքը, որ Արարատյան անոմալիան պայմանավորված է Նոյան տապանով, անտարակուսելի է:

ԻՆՉՊԻՍԻՆ ԵՆ ՉԵՐ ԱՊԱՑՈՒՅՑՆԵՐԸ

Աստվածաշնչյան տեղեկատվությունից ելնե-

- © Կինը՝ ամուսնուն.
- Սիրելիս, այսօր վերջի քո մեքենան:
- Հուսով եմ, նորմալ վերադարձրել ես:
- Մասնակիորեն, այո՛:
- © Զրուցում են երկու ընկեր.
- Գործերդ ինչպե՞ս են:

Ա Ն Ե Կ Դ Ո Տ Ն Ե Ր

- Ոչինչ, ավտոտնակ եմ գնել, ձեռքդ պահել եմ սիրուհուս ամուսնով ու վարձով զոքքանչիս եմ համոզել:
- © - Սիրելիս, չեմ հասկանում, ինչո՞ւ ես դժգոհում... Ամեն առավոտ սուր-

ճր տալիս եմ անկողնում, քեզ մնում է միայն այն աղալ...

- © - Սիրելիս, ես երկու նորություն ունեմ. մեկը՝ լավը, մյուսը՝ վատը:
- Սկսիր լավից:
- Խոստանում եմ, որ երբեք այդպես չեմ վարվի...

ԹԵՎԱՎՈՐ ՄՏՔԵՐ

- Պուք, որ ցանկանում եք թագավոր դառնալ, արժանի թագուհի ընտրեք ձեզ համար:
- ԱՆԴԵ ՍՈՐՈՒՄ
- Կանանցից խնդրեք միայն այն, ինչ նրանք կարող են տալ:
- ԲԱՐԲԵ ԴԸ ՕՐԵԿԻԼՅԻ
- Որտեղ կա սեր, այնտեղ կա Աստված:
- ԼԵՎ ՏՈՒՍՏՈՅ
- Ով սիրահարված կին չի տեսել, նա չի կարող ասել, թե ինչ է կինը:
- ԳՅՈՒԹ
- Կանացի բնազդն արժի մեծ մարդկանց

կանխատեսությամբ:

- Ով ընդունակ է կառավարել կնոջը, նա ընդունակ է պետություն կառավարելու:
- ՕՆՈՐԵ ԴԸ ԲԱԼԶԱԿ
- Կոսմոսիկան այն կախարհական հնարքն է, որը թույլ է տալիս քեզ քո բնական գեղեցկությամբ չվախեցնել շրջապատի մարդկանց:



Ս. ԿԻՐԱԿՈՍՅԱՆ
«Վրաստանի» ընթերցող

ՀԱՅԱՍՏԱՆ. Փառքեր, իրադարձություններ

«ՎՐԱՍՏԱՆԻ», ԱՐՄԵՆՊՐԵՍԻ, ՊԱՆԱՐՄԵՆԻԱՆԻ ՆՅՈՒԹԵՐՈՎ

ՀԱՐԱՎԱՅԻՆ ԿՈՎԿԱՍՈՒՄ ԱՆՎՏԱՆԳՈՒԹՅԱՆ ՀԱՐՅԸ՝ ԱՐԱՐԱՏ ՄԻՐՉՈՅԱՆԻ ԵՎ ԷՆԹՈՆԻ ԲԼԻՆԲԵՆԻ ՀԱՆԴԻՊՄԱՆ ՕՐԱԿԱՐԳՈՒՄ

Նոյեմբերի 29-ին Հայաստանի արտաքին գործերի նախարար Արարատ Միրզոյանը Սկոպյեում, ԵԱԳԿ նախարարական համաժողովի շրջանակներում, հանդիպում ունեցավ ԱՄՆ պետքարտուղար Էնթոնի Բլինքենի հետ:

Հանդիպմանը քննարկվեցին Հարավային Կովկասում անվտանգությանն ու կայունությանն առնչվող հարցեր: Անդրադարձ կատարվեց Հայաստանի եւ Ադրբեջանի միջեւ հարաբերությունների կարգավորման գործընթացի վերջին զարգացումներին:

Անդրադարձան նաեւ տարածաշրջանային ծրագրերին, որոնց համատեքստում Արարատ Միրզոյանը վկայակոչեց Հայաստանի կառավարության

կողմից մշակված «խաղաղության խաչմերուկ» նախագիծը՝ ընդգծելով նաեւ տարածաշրջանի կայունության համար դրա իրականացման արդյունքում ակնկալվող առավելությունները:

Հանդիպմանը զրուցակիցներն անդրադարձան հայ-ամերիկյան երկկողմ օրակարգին: Մտքեր են փոխանակվել երկկողմ եւ բազմակողմ հարթակներում առկա համագործակցության ու դրա ընդլայնման հեռանկարների շուրջ:



ԱՆՑԿԱՑՎԵՑ ՍԱՀՄԱՆԱԶԱՏՄԱՆ ՀԱՐՑԵՐՈՎ ՀԱՆՁՆԱԺՈՂՈՎՆԵՐԻ ՀԱՆԴԻՊՈՒՄԸ

Նոյեմբերի 30-ին Հայաստանի եւ Ադրբեջանի սահմանին անցկացվեց Հայաստանի եւ Ադրբեջանի միջեւ պետական սահմանի սահմանազատման ու սահմանային անվտանգության հարցերով հանձնաժողովի եւ Ադրբեջանի ու Հայաստանի միջեւ պետական սահմանի սահմանազատման պետական հանձնաժողովի հիմնգործող հանդիպումը՝ Հայաստանի փոխվարչապետ Մինե Գրիգորյանի եւ Ադրբեջանի փոխվարչապետ Շահին Մուստաֆաեւի նախագահությամբ:

Հանդիպմանը կողմերը շարունակեցին սահմանազատման հարցերի քննարկումը, անդրադարձան կազմակերպական եւ ընթացակարգային մի շարք հարցերի:

Կողմերը նախնական համաձայնեցրին Հայաստանի եւ Ադրբեջանի միջեւ պետական սահմանի սահմանազատման ու սահմանային անվտանգության հարցերով հանձնաժողովի եւ Ադրբեջանի ու Հայաստանի միջեւ պետական սահմանի սահմանազատման պետական հանձնաժողովի միջեւ միատերի եւ համատեղ աշխատանքային հանդիպումների կազմակերպման ու անցկացման աշխատակարգի տեքստը:

Նրանք պայմանավորվեցին սկսել վերոնշյալ հանձնաժողովների համատեղ գործունեության վերաբերյալ կանոնակարգի նախագծի համաձայնեցման աշխատանքները, ինչպես նաեւ համաձայնության են եկան ակտիվացնել հանձնաժողովների հանդիպումների անցկացումը:

Կողմերը պայմանավորվեցին նաեւ աշխատանքային կարգով նախանշել հանձնաժողովների հաջորդ հանդիպման անցկացման ամսաթիվն ու վայրը:



ԷԴՎԱՐԴ ՄԻԼԻՏՈՆՅԱՆԸ ԵՐՐՈՐԴ ԱՆՊԱՄ ԸՆՏՐՎԵՑ ՀԱՅԱՍՏԱՆԻ ԳՐՈՂՆԵՐԻ ՄԻՈՒԹՅԱՆ ՆԱԽԱԳԱՀ

Հայաստանի գրողների միության 20-րդ համագումարին, որը տեղի ունեցավ նոյեմբերի 25-ին, բաց քվեարկությամբ եւ միաձայն Գրողների միության նախագահի պաշտոնում վերընտրվեց Էդվարդ Միլիտոնյանը:

Էդվարդ Միլիտոնյանը ներկայացված միակ թեկնածուն էր:

Ամփոփելով միության հինգ տարվա ընթացքում կատարած աշխատանքը՝ նա ասաց, որ այն եղել է բազմաբնույթ, ներկայացվել է ինչպես «Գրական թերթ»-ում, այնպես էլ լուսաբանվել է լրատվամիջոցներով: Ամենվեց ամիսը մեկ ՀԳՄ նախագահը ներկայացրել է կիսամյակային հաշվետվություն, որը գնահատվել է բավարար:

Միլիտոնյանի խոսքով, տարվա ընթացքում տարբեր միջոցառումներ են կազմակերպվել: Մասնավորապես՝ «Գիրք ցվիթերի օր», «Մանկական գրքի շաբաթ», գրողների հոբելյաններ, հանդիպումներ դպրոցականների հետ, «Թարգմանչաց տոն» եւ այլն:

Անդրադառնալով ապագա ծրագրերին՝ Հայաստանի գրողների միության նախագահը շեշտեց, որ 2024 թվականից նախատեսվում է 70-ից բարձր տարիքի գրողներին ազատել անդամավճար մուծելուց, ստեղծել տեսահաղորդումների ստուդիա (գրական հաղորդումներ, լրատվություն եւ այլն): Նա նաեւ շեշտեց, որ վերականգնել է «21 դար» մատենաշարը, ամեն տարի տպագրել ժամանակակից պոեզիայի տարեգիրք (Էդվարդ Միլիտոնյանի եւ Ավիկ Դերենցի նախաձեռնությամբ), տպագրել «Արձակ դաշտեր» կարճ պատմվածքի ամբողջիկայի երրորդ գիրքը, սահմանել նոր մրցանակներ, անցկացնել գրական պլենարի միստեր, ՀԳՄ մարզային բաժանմունքների համար ձեռք բերել նոր աշխատասենյակներ, նպաստել գրողների ստեղծագործությունների հրատարակման ընդլայնմանը:

ԱՄՓՈՓՎԵՑԻՆ «ՔԵԶ ՀԱՄԱՐ, ՀԱՅԱՍՏԱՆ» 26-ՐԴ ՀԵՌՈՒՄՏԱՄԱՐԱԹՈՆԻ ԱՐԴՅՈՒՆՔՆԵՐԸ

«Քեզ համար, Հայաստան» խորագրի ներքո նոյեմբերի 23-ին կայացավ «Հայաստան» համահայկական հիմնադրամի 26-րդ հեռուստամարաթոնը, որի ընթացքում հավաքագրվել է շուրջ 8,4 միլիոն ԱՄՆ դոլար:

«Հայաստան» համահայկական հիմնադրամի տեղեկատվությամբ, դրամահավաք-միջոցառումները դեռ շարունակվում են, իսկ վերջնական արդյունքները կամփոփվեն տարեկան զեռույթում:

«Հեռուստամարաթոն 2023»-ի շրջանակում, Հայաստանում հանգանակվել է 552 372 ԱՄՆ դոլար, Ֆրանսիայի տեղական մարմինը հավաքագրել է՝ 3 250

000 ԱՄՆ դոլար, ԱՄՆ տեղական մարմինը՝ 3 100 000 ԱՄՆ դոլար, Տորոնտոյի (Կանադա) տեղական մարմինը՝ 500 000 ԱՄՆ դոլար, Մեծ Բրիտանիայի տեղական մարմինը՝ 450 000 ԱՄՆ դոլար, Արգենտինայի տեղական մարմինը՝ 160 690 ԱՄՆ դոլար, ինչպես նաեւ Գլխավորություններ են կատարվել հետևյալ երկրներից՝ Նիդերլանդներ՝ 100 000 ԱՄՆ դոլար, Բրազիլիա՝ 92 000 ԱՄՆ դոլար, Գերմանիա՝ 66 400 ԱՄՆ դոլար, Շվեյցարիա՝ 50 000 ԱՄՆ դոլար, Ավստրալիա՝ 27 000 ԱՄՆ դոլար, Ավստրիա՝ 25 900 ԱՄՆ դոլար, Ռումինիա՝ 4 360 ԱՄՆ դոլար:

«Քեզ համար, Հայաստան» խորագրով հեռուստամարաթոնի դրամական միջոցները կուղղվեն Լեռնային Ղարաբաղի բռնի տեղահանվածների կենսապայմանների բարելավմանը, ինչպես նաեւ սահմանային համայնքների զարգացմանն ուղղված ծրագրերի ֆինանսավորմանը:

ՄԱՔՍԱՏՈՒԹ՝ ՎՐԱՍՏԱՆԻՑ ԺԱՄԱՆԱԿԱՎՈՐ ՕԳՏԱԳՈՐԾՄԱՆ ՆՊԱՏԱԿՈՎ ՀԱՅԱՍՏԱՆ ՆԵՐԿՐԱԾ ԱՎՏՈՄԵՔԵՆԱՆԵՐԻ ՀԱՄԱՐ

2024-ի հունվարի 1-ից Վրաստանից կամ Եվրասիական տնտեսական միության (ԵՏՄ) անդամ պետություն չհանդիսացող երկրից ժամանակավոր օգտագործման նպատակով ներկրված ավտոմեքենաների համար, Հայաստանի քաղաքացիները պետք է մաքսային մարմնի տնօրինած դեպոզիտային հաշվին գումար վճարեն:

Դեպոզիտային հաշվին քաղաքացին պետք է փոխանցի իր ներմուծած ավտոմեքենայի մաքսատուրքի եւ հարկերի չափով գումար: Գումարը կվերադարձվի, երբ մեքենան Հայաստանում ժամանակավոր ներմուծումից հանվի, այսինքն՝ վերադարձվի այն երկիր, որտեղ գրանցված է:

Հայաստանի պետական եկամուտների ծառայության (ՊԵԿ) հիմնավորումն այն է, որ այդ ավտոմեքենաները, օրի-

նակ, Վրաստանում գրանցվում են ավելի ցածր վճարով, քան ԵՏՄ-ում գործող վճարման չափերն են, իսկ Հայաստանում ներմուծվում ու տնօրինվում են «ծեւական» ժամանակավոր եղանակով:

Ներկա պահին Հայաստանի տարածքում մեծ կարգավիճակով շահագործվում է շուրջ 9000 միավոր ավտոմեքենա:

ՀԱՅԱՍՏԱՆԻ ՆԱԽԱԳԱՀԸ ՊՈԼԻՍԻՆԻ ՄԱՍՆԱԳՅԵ ՀԻՄՆԱՅԻ ՓՈԹՈՒՆՈՒԹՅԱՆ 28-ՐԴ ՀԱՄԱԺՈՂՈՎԻՆ

Հայաստանի նախագահ Վահագն Խաչատուրյանի գլխավորած պատվիրակությունը Դուբայում մասնակցեց ՄԱԿ-ի Կլիմայի փոփոխության 28-րդ համաժողովի բացման արարողությանը: Համաժողովի շրջանակներում, նախապեսված է նաեւ Հայաստանի նախագահի ելույթը: Այցի ընթացքում, Հայաստանի նախագահը մի շարք երկկողմ հանդիպումներ կունենա: Նախապեսված է նաեւ նախագահ Վահագն Խաչատուրյանի հանդիպումը Արաբական Միացյալ Էմիրությունների հայ համայնքի ներկայացուցիչների հետ:

ՀԱՅԱՍՏԱՆԸ՝ ՍԱԽԱՆ ՆԱԽԱԶԵՆՈՒԹՅԱՆ ՀԱՄԱՆԱԽԱԳԱՀԻ ԵՐԿՐԻՐ

Պորտուգալիայի մայրաքաղաք Լիսաբոնում, նոյեմբերի 28-ին կայացած Տնտեսական համագործակցության եւ զարգացման կազմակերպության գլոբալ ֆորումի Ասիայի նախաձեռնության 5-րդ տարեկան համաժողովի ժամանակ, Պետական եկամուտների կոմիտեի նախագահ Ռուստամ Բադախյանն ընտրվել է Ասիայի նախաձեռնության համանախագահ՝ առաջիկա 2 տարիների համար:

Նշվում է, որ 2024 թվականի համանախագահությունն իրականացվելու է Հնդկաստանի ֆինանսների նախարարության եկամուտների վարչության քարտուղար Սանջայ Մալիհոտրայի հետ: Ասիայի նախաձեռնության 6-րդ համաժողովը կկայանա 2024 թվականի 2-րդ եռամսյակում, Երեւանում:

ԴԻՎԱՆԱԳԻՏԱԿԱՆ ՀԱՐԱԲԵՐՈՒԹՅՈՒՆՆԵՐ՝ ՀԱՅԱՍՏԱՆԻ ԵՎ ՍԱՌԳՅԱՆ ԱՐԱՐԵՒՅԻ ՄԻՋԵՎ

Հայաստանի Հանրապետության եւ Սաուդյան Արաբիայի Թագավորության միջեւ նոյեմբերի 24-ին ստորագրվել է դիվանագիտական հարաբերություններ հաստատելու մասին արձանագրություն: Արձանագրությունը ստորագրվել է Աբու Դաբիում, ԱՄԷ-ում Հայաստանի Հանրապետության դեսպան Կարեն Գրիգորյանի եւ Սաուդյան Արաբիայի Թագավորության դեսպան Սուլթան բին Աբդալլահ Ալ-Լուայիան Ալ-Անկարի կողմից:

5 ՄԵԼՈՒՆԵՑ ԱՎԵՐ ՌԳԵՇՈՒՅ ՀԱՅԱՍՏԱՆՈՒՄ

Հայաստանում ընթացիկ տարում գրանցվել է ուղեւորահոսքերի ու ավիաթռիչքների զգալի ակտիվացում: Ուղեւորահոսքի առումով, Հայաստանում բարձր ցուցանիշ էր գրանցվել 2019 թվականին մոտ 3 մլն ուղեւորահոսք: 2020 թվականին, կորոնավիրուսով պայմանավորված, անկում է եղել, 2021 թվականը վերականգնման շրջան էր, 2022-ին եղել է 3,7 մլն ուղեւորահոսք: 2023 թվականի 10 ամիսներին՝ հոկտեմբերի 31-ը ներառյալ, գրանցվել է 4,7 մլն ուղեւորահոսք: Հայաստանի քաղաքացիական ավիացիայի կանխադեսումներով, ակնկալվում է, որ տարեկան 5 մլն-ից ավելի ուղեւորահոսք կլինի: Սա Հայաստանի երբեւէ գրանցած ամենաբարձր ցուցանիշն է:

ԱՎԵՐԱՆՈՒՄ Ե ԿԱՐՍՏՈՒՄ ԿԱՐԱՎԱՍԵՆԵՐԻ ԹԻՎԸ

Հայաստանի առողջապահության նախարարության հիվանդությունների վերահսկման եւ կանխարգելման ազգային կենտրոնի տվյալներով, Հայաստանում կարմրուկի լաբորատոր հաստատված դեպքերի թիվը մեկ շաբաթում ավելացել է 8-ով եւ հասել՝ 508-ի: Այս շաբաթ հոսպիտալացվել է 4 քաղաքացի: 336 բուժառու արդեն դուրս է գրվել: Վարակվածներից 361-ը երեխաներ են, 147-ը՝ մեծահասակներ:

ԵԿԵՂԵՑԱԿԱՆ

ԴԵԿՏԵՄԲԵՐ

5.12.2023 Սուրբ Աբգար նախավկայի եւ Քրիստոսին հավատացող մեր անդրանիկ թագավորի հիշատակության օր

9.12.2023 Հղություն Սուրբ Աստվածածնի

Հղություն Սուրբ Աստվածածնի, Աստվածածնի մոր՝ Աննայի հղության հիշատակության տոնն է. բոլոր Արեւելյան եկեղեցիները նշում են դեկտեմբերի 9-ին, իսկ Կաթոլիկ եկեղեցին՝ դեկտեմբերի 8-ին: 1854-ին Կաթոլիկ եկեղեցին ընդունել է Աստվածածնի անարատ հղության վարդապետությունը, ըստ որի, Աստվածամոր ծնունդը, ինչպես Հիսուսին, գերծ է եղել սկզբնական մեղքից: Սյուս եկեղեցիները մերժել են հավատի այդ մոր վարդապետությունը:

ՍՊՈՐՏ

ՖՈՒՏԲՈԼ. ԲԱԹՈՒՄԻ «ԴԻՆԱՄՈՆ» ԵՐԿՐՈՐԴ ԱՆՊԱՍ ԴԱՐՁԱՎ



նի Չեմպիոնների լիգայում: Բաթումիի «Դինամոն» չորրորդ քիմն է, որը երկրորդ անգամ նվաճեց չեմպիոնական վահանը: Մինչ հինգ դա կարողացել են «Վիտ Ջորջիան», Ռուսթավի «Օլիմպը» եւ «Ջեստափոնին»:

Ամենաշատ տիտղոսներ ունեցող ակումբը շարունակում է մնալ Թբիլիսիի «Դինամոն», որը 19 անգամ հաղթել է առաջնությունում: Երկրորդը՝ Քութայիսիի «Տորպեդոն»՝ չորս անգամ, երկրի առաջնությունը երկու անգամ շահել են Վիտ Ջորջիան, Ռուսթավին, Ջեստափոնին, Բաթումիի Դինամոն: Մեկական անգամ երկրի չեմպիոն են դարձել, մեկ անգամ՝ Սիմոնի, Դիլան, Սամտրեդիան, Սաբուրթալոն:

ՆՈՐ ՎԱՐԿԱՆԻՇԸ՝ ՑՈՒՑԱԲԵՐԱԾ ԽԱՂԻ ՀԱՅԵԼԻ

Ֆուտբոլի միջազգային ֆեդերացիան (ՖԻՖԱ) հրապարակեց ազգային հավաքականների դասակարգման հերթական աղյուսակը:

	1	2	3	4	5	6	7		8			9		10
11		12												
13						14					15			
					16									
17					18			19	20					
							21							
	22				23	24			25	26				
				27										28
29		30	31					32				33		
	34						35				36		37	
38				39	40				41	42				
	43						44				45			
46											47			
					48	49	50		51					52
53			54				55							
					56						57			
58				59			60							
			61								62			

«ՄԱՆԿԱԿԱՆ ԵՎՐԱՏԵՍԻԼ - 2023»

ՀԱՆԴԻՍԱՏԵՍԻ ԵՎ ԺՅՈՒՐԻ ՈՐՈՇՄԱՄԲ, ՎՐԱՍՏԱՆԸ 14-ՐԴՆ Է, ԻՍԿ ՀԱՅԱՍՏԱՆԸ՝ 3-ՐԴԸ

«Մանկական Եվրատեսիլ - 2023» երգի միջազգային մրցույթում, որը տեղի ունեցավ նոյեմբերի 26-ին Ֆրանսիայի Նիցցա քաղաքում, հաղթեց Ֆրանսիայի ներկայացուցիչ Ջոն Կլոզուրը:

Նշենք, որ Ֆրանսիան հաղթել էր նաեւ «Մանկական Եվրատեսիլ-2022» մրցույթում՝ այն տանելով Նիցցա: Երգի փառատոնին Վրաստանը ներկայացնող Անաստասիան, Օթոն եւ Նիկոլոզը հանդես եկան Over The Sky երգով եւ հանդիսատեսի ու ժյուրիի որոշմամբ, զբաղեցրին 14-րդ տեղը:

Բացի եռյակից, Եվրատեսիլյան բեմում էին եւս երկու պարուհիներ՝ Նիտա Ջամադիձե եւ Բարբարա Քաջախան:

Հայաստանի պատվիրակներ Նանե, Նենսին, Կամիլան, Սյուզաննան եւ Աիդան «Yan



Girls» խումբը «Do It My Way» երգով զբաղեցրեց երրորդ հորիզոնականը:

ՍՈՒՄԵՐԱՄԱՐՏ. ՍԱՆԴՈՐ ԲԱԶԱՋԵՆ՝ ԱՇԽԱՐՀԻ ԼԱՎԱԳՈՒՅՆ ԹՐԱՍՈՒՄԵՐԱՄԱՐՏԻՎ

Եգիպտոսի Շարմ Էլ Շեյխ քաղաքում անցկացվող FIE կոնգրեսին վրաց թրասուերամարտիկ Սանդոր Բազաձեին փոխանցվեց 2022/23 տարվա լավագույն թրասուերամարտիկի պատվավոր մրցանակը:

Նշենք, որ Սանդոր Բազաձեին առաջին վրաց սուերամարտիկն է, ով արժանացել է աշխարհի թրասուերամարտիկի բարձրագույն պարգևին: Սանդոր Բազաձեին 2023 թվականին հաղթող ճանաչվեց Եվրոպական խաղերում եւ մայրցամաքի առաջնությունում: Նա երկրորդ տեղը զբաղեցրեց աշխարհի առաջնությունում: Նրա պարգևների թվում են նաեւ հաղթանակած «Գրամ-պրին» եւ «Համաշխարհային գավաթը»:



ԽԱՂԱՅԻՆ ՎԵՐՈՒՄ

ՀՈՐԻԶՈՆԱԿԱՆ.

1.Վիրահայ բանաստեղծ Ժորա Սնիչյանի ժողովածուներից: 8.Հայ հանրահայտ գեղանկարիչ: 12.Արեգակնային համակարգի մոլորակ: 13.Հայ գրող Հովսեփ Վարդանյանի վեպը: 14.Չինաստանի տարադրամը: 15.Հատապտղի տեսակ: 16.Հարցական դերանուն: 17.Ե՛վ Ցետկինը, Ե՛ւ Լուչկոն: 18.Հայոց այբուբենի տառ: 19.Ձամբիայի մայրաքաղաքը: 21.Վանա լճի կղզիներից: 22.Կղզի Հարավային Ամերիկայում ... երկիր: 24.Քրիստինե Պետկյանի երգացանկից «... կարելի»: 25.Պետություն Հարավային Ամերիկայում: 27.Հայ ազգային ազատագրական շարժման հերոս Աղբյուր ...: 29.Հայկական գաղտնի բանակ: 32.Հայ մեծանուն բանաստեղծ, պոետ: 34.Գալ ու ... Հայրենիքում: 35.Ժխտական նախածանց: 36.Փոխադարձ դերանուն: 38.Աշխարհահռչակ ավիակոնստրուկտոր Արտեմ Միկոյանի ստեղծած կործանիչը: 39.Հայ ժողովրդական հեքիաթ «Կուլակն ու ...»: 42.Ծառի տեսակ: 43.Սլավոնական այբուբենի հեղինակներից: 44.Նար-Դոսի նովելաչարի հերոսուհի: 45.Կոմիտասի երգերից «Լեպո ..., ...»: 48.Իր խնձորով հայտնի քաղաք Արեւմտյան Հայաստանում: 53.Ավան Ուկրաինայի Դոնեցկի մարզում: 55.Վիրահայ նկարիչների միության ղեկավար ... Օհանջանովա: 56.«Սիրեցի, յարս ...» (Ավ.Իսահակյան): 57.Տոգոյի մայրաքաղաքը: 58.Երկրորդ, որոնք: 60.... եւ ասիակ: 61.Ե՛վ Դեմիրճյանը, Ե՛ւ Գիւլյանը: 62.Բա-

ցասական լիցք ունեցող էլեկտրոդ: **ՈՐՂՈՆԱՅԻՆ.** 2.Հայ-պարսկական պատերազմի վայր Տղմուտ գետի ափին: 3.Արձակ ստեղծագործություն: 4.«Էն ... աշխարհքը մի գցի» (Հովհ.Թումանյան «Գիթոր»): 5.Մաշտոցյան այբուբենի զինվոր: 6.Սրտի շարժիչ հեղուկը: 7.Փոքր կղզի պետություն հաղաղ օվկիանոսում: 8.Վրացական համեմունք: 9.Քաղաք Ղրիմում: 10.Մեղվի հավաքածը: 11.Տարածաշրջան Վրաստանում: 20.Կուն, բերանում տեղավորված հեղուկը: 21.Հայաբնակ պետություն Միջերկրական ծովի արեւելյան ափին: 22.Գեղեցիկ, սպիտակ ծաղիկ: 23.Պայմանի շաղկապ: 24.Իտալացի գրող Ալբերտո Մորավիայի վեպը: 26.Հայ փիլիսոփա, թարգմանիչ, Մեսրոպ Մաշտոցի աշակերտներից: 27.Րաֆֆու պատմավեպերից: 28.Թիֆլիսի հայ բեմի վարպետ ... Ամիրբեկյան: 29.Թանկարժեք, զին չունեցող: 31.Իտալական օպերան ... Սկալա: 33.Տարածել, սփռել: 37.«Այլ ... կան իմ սրտում» (Ժող. երգ): 40.Թանկարժեք քար, չնչակված աղանդ: 41.Ֆրանսիացի երգահան Ժորժ Բիզեի օպերաներից: 46.Ֆրանսիացի փիլիսոփա, գրող, արվեստաբան: 47.Եվրոպական պետություն: 49.Հայ Արշակունի թագավոր: 50.Ետ ու ... շարժվել: 51.Օժանդակ բայ: 52.Լավագույն ապրանքանիշ: 54.Ռուս մեծ բանաստեղծ: 59.... Աստված:

Կազմեց ԱՆՆԱ ՍԱՐԻԲԵԿՅԱՆԸ

ՆԱԽՈՐԴ ՀԱՄԱՐԻ ԽԱՉԲԱՌԻ ՊԱՏԱՍԽԱՆՆԵՐԸ

ՀՈՐԻԶՈՆԱԿԱՆ.

7.Ասպատակ: 9.Սիրած: 10.Բասկ: 11.Բելգրադ: 13.Եզնիկ: 16.Լոռ: 17.Թիմ: 19.Անխեթ: 22.Ալքիս: 24.Ինգմար: 25.Միկա: 27.Հաղպատ: 29.Ապարոշ: 32.Ակվարել: 33.Ջիբրոլ: 35.Աղոտ: 37.Կուտ: 39.Ուղերծ: 40.Մթիկ: 43.Նաեւ: 44.Վաստ: 47.Ասր: 49.Սիրող: 50.Եվրո: 53.Վերել: 54.Ուղտ: 55.Աղել: 57.ԷՅՄ: 58.Երզնկա:

ՈՐՂՈՆԱՅԻՆ.

1.Հսկել: 2.Տանգո: 3.Ռաբաթ: 4.Ոսկե: 5.Կրոն: 6.Կծիկ: 8.Կաղիս: 12.Լոնք: 14.Զինգ: 15.Իդեա: 18.Ասիա: 19.Անուպա: 20.Խմորեղեն: 21.Թրաշ: 23.Իմպրոտ: 26.Կտակ: 28.Անիկ: 29.Ավո: 30.Արաղ: 31.Ուրան: 34.Բուքսիր: 36.Տծել: 38.Սիս: 41.Թաղում: 42.Կրեւտ: 45.Ասեղ: 46.Որեւ: 48.Արագ: 51.Ողն: 52.Հլա: 56.Եկ:

Գլխավոր խմբագիր՝ ՎԱՆ ԲԱՅԲՈՒՐԹՅԱՆ

Գլխ. խմբագրի տեղակալ՝ ՅՈՒՐԻ ՊՈՐՈՍՅԱՆ

Համարի պատասխանատու՝ ԳԱՅԱՆԵ ԲՈՍՏԱՆՉՅԱՆ

Համակարգչային ծեւավորումը՝ ՏԻԳՐԱՆ ՍԻՐԱԴԵՂՅԱՆ

ՔՅՅԵՈ ՅՈՆԱՅՅԵՄՈ: ՄԺԾԼՈՆԵ 0105, ՃԱՄՐԵՅԼՈՆ ՄՅՅԻ 5,
Մեր հասցեն՝ Թբիլիսի 0105 Գ.Աթոնելի փ. 5
ԾՅԼ. Հեռ. 2990-739, 2990-774
www.vrastan.ge E-mail: vrastan.press@gmail.com
Գրանցման վկայական № 4 Կ - 1439
«ԿՈՆՈՐ» հրատարակչություն

«ՑճԵԾԵՅՈ»
ՄԺԾԼՈՆԵ, ՆԱՅՅԵՄՅԵՄ
"ВРАСТАН"
Тбилиси, Грузия
<VRASTAN>
Georgia, Tbilisi
Индекс 66445